

## Қаюмов Асрор Райимович

E-mail: [asrork3@yandex.ru](mailto:asrork3@yandex.ru)

**Лавозими:** ЎзР ФА Миллий археология маркази “Фанлараро тадқиқотлар лабораторияси катта илмий ходими

**Маълумоти:** 1994 йилда Тошкент давлат университети тарих факултетини тутатган.



**Илмий қизиқиши:** Марказий Осиё халқларида геналогия масалалари ва уруғчилик феномени, идентиклик, ўзбекларда этник ва маданий ўзликлар.

Асрор Райимович Қаюмов 1994 йилда Тошкент Давлат университети (ҳозирги Ўз МУ) тарих факультетида таҳсил олган. У ўзининг меҳнат фаолиятини 1994 йилдан Тарих институтида катта лаборант, кичик илмий ходим лавозимларидан бошлаган.

А. Қаюмов туркий халқлар, жумладан, ўзбек халқининг этник тарихи, XIX – XX асрнинг бошларида Ўзбекистон аҳолисининг миллий ва этник таркиби, хўжалик-маданий анъаналар, этнодемографик жараёнлар масалаларида тадқиқотлар олиб борган. У Давлат илмий техник дастури доирасидаги қатор илмий лойиҳаларда иштирок этган. 2011 йилда тарих фанлари номзоди илмий даражасига эга бўлган.

У илмий фаолияти давомида 50 дан ортиқ илмий, илмий оммабоп мақолалар, тезислар нашр эттирган ва 3 та жамоавий монография ва 1 та монография муаллифи ҳисобланади. Жумладан, у “Ўзбекистоннинг этник атласи” (2002), “Ўзбекистон Миллий энциклопедияси” (2005), “Бобурнома. Энциклопедияси” (2014) каби йирик энциклопедик нашрларда ва муаллифлар жамоаси томонидан нашр этилган “Ўзбекистонда этнослараро алоқалар” (2011), “Ўзбеки” (2011) “Миндон ва миндонликлар” (2015) каби йирик монографияларда ўзбек халқининг этник тарихи, хўжалик анъаналари каби долзарб масалаларини ёритган. У 2014-2015 йилларда Фанлар академиясининг фундаментал тадқиқотларни қўллаб-қувватлаш фондининг ИГ 4-14 “XX аср бошларида Ўзбекистон ҳудудидаги этник ҳолат: миллий ва этнодемографик ўзгаришлар” номли лойиҳасининг раҳбари бўлган.

А. Қаюмов Туркия, Россия, Қозоғистон каби хорижий мамлакатлардаги илмий анжуманларда иштирок этган. У хорижий ва республика доирасида ташкил этилган экспедициялар (Ўзбек-француз археологик-этнографик экспедицияси, ЮНЕСКОнинг “Бойсун” илмий экспедицияси) иштирок этган. Шунингдек, “Erasmus Plus International Dimension” бўйича халқаро тажриба алмашинув дастури доирасида Бельгиядаги Лувен университети “Ижтимоий антропология” (LAAP of UCL) лабораториясида стажировкада бўлган.

Айни пайтда А. Қаюмов ЎзР ФА Миллий археология маркази “Фанлараро тадқиқотлар” лабораториясида “Тарихий антропологик ва маддий маданият манбаларида ижтимоий старатификация ва турли ўзликларнинг акс этиши” номли илмий тадқиқот лойиҳаси иштирокчиси сифатида фаолият олиб бормоқда.